



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Priori Et Conventvi Andreysi.

urn:nbn:de:hbz:466:1-20020

siasticam appellatione postposita compendio. Quod si non omnes &c. duo vestrum &c. Datum Laterani 111. Kalend. Aprilis, pontificatus nostri anno quarto-decimo.

*ABBATI ET CONVENTVI
Fossanova.*

*Dpf. 51.
Gesemann
septem fa-
tum Pip-
er.* **I** Vitis perentium desiderii dignum est nos facilem præbere consensum, & vota qua à rationis tramite non discordant effectu prosequente completere. Eapropter &c. usque affensu, compositionem seu transactionem inter vos ex parte una & Consules ac populum Pipernensem ex altera super possessionibus constitutis in loco qui Laurentij vulgariter appellatur amicabiliter initam, sicut provide facta est & ab utraque parte sponte recepta, & in instrumento publico exinde confecto plenius continetur, auctoritate apostolica confirmamus & praesentis scripti patrocinio communimus. Ad majorem autem evidentiam tenorem ipsius instrumenti de verbo ad verbum huic nostræ pagina duximus inferendum. **I N N O M I N E** Domini. Amen. Anno ejus millesimo centesimo nonagesimo tertio, anno tertio Domini Celestini Patr. III. Indictione II. mense Augusto, die tertia. Quoniam ea quæ refutationibus sive transactionibus vel aliis conventionibus inter homines sunt, plerunque memoriae commendari non possunt, idcirco ego Guido sanctæ Romanae Ecclesiæ Scrinarius transactionem sive refutationem vel etiam conventionem inter fratres Fossanovæ & populum Pipernensem habitam rogatus in hoc publicum scriptum reduco; ut si de ea dubitatum fuerit, per hoc scriptum veritas rei ostendatur. Conventio itaque sive transactio vel refutatio talis est. Fratres Fossanova dant Pipernensis centum tres libras bonorum Provesinorum prom lendinis communibus recolligendis, quæ pignori tenebantur. Et Confides Piperni, incicet Petrus Domini Leonis, Belbellus, Transmundus Donnae Nuva, Philippus Domini Gregorij Milites, Roscemannus, Staldo, Iordanus, Roffridus, Gauftapane, Maßlarij nomine universitatis refutant monachis omnem litem & querimoniam & omnem actionem quam habebant vel habere possent in Laurentiis, scilicet inter hos fines sicut vadit in directum à Gorga Palumbi in Mazoclam, & inde pergit per Mazoclam usque ad aquam quæ descendit de fontana de Ficu, sine omni conditio ne, & inde ascendit usque in lacum. Con-

Tom. II.

cedit etiam populus quicquid juris habet commune inter fontanam de Ficu, & Licaduti, salvo unicuique jure proprietatis, si quis ibi aliquid habet. Concedunt etiam à Gorga Palumbi inferius ut sandariam faciant sine contradictione aliqua usque flumen majus, sicut melius viderint expedire: quæ tamen sandaria communis erit & fratribus & civibus. Silva quæ est à fontana Gricilli usque ad Recaduti est monachorum absolute, sicut hactenus fuit; præter consuetudinem quam habet in ea populus in venando, pascendo, ligna cedendo, & salva consuetudine tabulandi. Silvam quæ est à fontana de Ficu usque ad Recaduti non incident monachi ad casas faciendas studiosè, sed remanebit ad communis usus & civium & monachorum ad ligna cedenda, & ad venandum, & pacendum. Si tamen aliquo modo pervenerit quod sit apta ad agriculturam, monachorum erit. Piscaria lacus libera est monachorum, sicut hactenus fuit. Per sandariam totam liberum erit omnibus Pipernensis fine apparatura aliqua piscari, non in illis locis ubi & monachi & certæ persona civitatis habent suas proprietates. Et quidem non licet alicui nisi monachis aliquod ædificium facere ad piscandum à Gorga Palumbi usque ad lacum; pœna trecentarum librarum Provesinorum ab utraque parte promissa, si aliqua pars contra hanc conventionem vel refutationem seu etiam transactionem amicabili pace firmata venire voluerit vel etiam observare noluerit; & pœna soluta, hæc charta conventionis sive transactionis in sua stabilitate perpetuò perseveret. Vnde rogati sunt testes, Gregorius Paganus, Rainone sancti Laurentij, Ioel de Sitio, Bertraymus Laudini, Berardus Romane, Guido de Arnaria. Ego Guido sanctæ Romanae Ecclesiæ & Piperni Scrinarius interfui & subscripsi.] Nulli ergo &c. nostra confirmationis &c. usque incursum. Datum Laterani IV. Kal. Aprilis, anno quartodecimo.

*PRIORI ET CONVENTVI
Andrensi.*

C Vm à nobis petitur quod justum est, & honestum &c. usque effectum. Eapropter, dilecti in Domino filij, vestris justis postulationibus grato concurrentes affensu, auctoritate apostolica prohibemus ne aliquis monachus sive conversus sub professione vestre domus astrictus sine consensu & licentia Abbatis & majoris partis vestri Capituli pro aliquo fidejubeat,

Vuu

*Epf. 25.
De fidejubila-
ne verita mo-
nachis.*

vel ab aliquo pecuniam mutuo accipiat ultra pretium Capituli vestri providentia constitutum, nisi propter manifestam dominus vestra utilitatem. Quod si facere forte presumperit, non teneatur conventus pro his aliquatenus respondere. Nulli ergo &c. nostra prohibitionis &c. usque incursum. Datum Laterani 11. Kal. Aprilis, pontificatus nostri anno decimoquarto.

E I S D E M.

*Epist. 24.
Ut ei licet di-
vina officia ec-
lestante tempo-
re interdicti.*

Soleat annuere &c. usque impetriri. Ea propter &c. ut in alia usque assensu, ut quotiescumque terram nobilis viri Comitis Gifensis patroni monasterii vestri pro suis excessibus, debitis, aut aliquibus causis alii subici contigerit ecclesiastico interdicto, juxta quod vobis est a felicis recordationis Alexandro Pape predecessore nostro indulximus, exclusis excommunicatis & interdictis, non pulsatis campanis, suppresa voce, divina vobis licet officia celebrare, devotione vestrae auctoritate praesentium indulximus. Decernimus ergo &c. nostra concessionis &c. usque incursum. Datum ut in alia.

*ABBATI ET CONVENTVI
sancti Auberti Cameracensis.*

*Epist. 25.
Confirmat
eorum posses-
siones.*

Cum à nobis petitur &c. ut in alia usque assensu, altare sancte Bovæ vobis à bona memoria Vu. Rotomagensi Archiepiscopo de assensu Capituli sui collatum, altaria de Wildebrouc & de Vrimeude, quæ bona memoria R. Cameracensis Episcopus, & altare de Herentoth, quod venerabilis frater noster I. successor ipsius in eleemosynam consentiente Cameracensi Capitulo vestro monasterio canonice contulerunt, decimas de Crievecuer, Barrastro, & de Hapelaincort ad ipsum monasterium de manu laica rationabiliter consensu ipsius Cameracensis Episcopi revoecatas, & partem decimam de Kion, & omnia alia bona vestra, sicut ea omnia justè ac pacifice possidetis, vobis & per vos eisdem monasterio vestro auctoritate apostolica confirmamus & praesentis scripti patrocinio communimus. Nulli ergo &c. confirmationis &c. usque incursum. Datum Laterani Kal. Aprilis, pontificatus nostri anno decimoquarto.

*ABBATI ET CONVENTVI
santi Quintini Belvacensis.*

*Epist. 26.
Ne beneficia
non vacanta
promittantur.*

Cum ex injunctio nobis apostolatus officio Ecclesiarum omnium curam & sollicitudinem gerere teneamur, ea in ipsis

corrigere nos oportet quæ in gravamen eorum noscuntur plurimum redundare. Sanè ad nostram audientiam vobis referentibus est delatum quod tam vos quam vestri predecessores ad multorum instantiam importunam quibusdam promissiones de non vacantibus Ecclesiis facientes, pensiones eidem quadam interim contulisti. Quia igitur id contra statuta &c. ut supra lib. xi. epist. c c v. usque auctoritate vobis apostolica districthus inhibemus ne contra &c. inhibitionis &c. usque incursum. Datum Laterani 11. Idus Aprilis, pontificatus nostri anno quartodecimo.

*ABBATI ET CONVENTVI
sancti Eligii Noviomensis.*

Cum ex concessa nobis à Domino ptestate ad omnium Ecclesiarum curam aciem nostræ considerationis extenderemus teneamur, ea corrige nos oportet quæ interdum in ipsis gravamen temere attentantur. Sanè ad nostram audientiam vobis referentibus est delatum quod &c. ut in alia per totum usque in finem. Datum &c.

*PETRO ILLVSTRI REGI
Aragonum.*

Cum donationes nonnullas infra statutis tuae legitimè tempora te facisse proponas in enorme tui dispendium redundantes, majorem partem tuorum reddituum sic donando, nec expedire te nimis egere, quem oportet graves & grandes expensas subire in expugnando Christiani nominis inimicos, praesentium tibi auctoritate concedimus ut omnes donationes predictis temporibus illicitè à te factas legitimè valeas revocare. Hoc expresso specialiter ad cautelam, ut donationes factæ Ecclesiis vel aliis piis locis, si quæ fuerint revocandæ, per ecclesiasticum judicem revocentur. Datum Laterani 11. Idus Aprilis, anno quartodecimo.

*EPISCOPO LINGONENSI,
& nobili viro Duci Burgundie.*

Sicut ex litteris dilectorum filiorum Abbatis & conventus sancti Benigni Divionensis diocesis Lingonensis accepimus, cùm tu, frater Episcope, in tua promotionis initio ad monasterium eorundem, de cuius miserabili lapsu multa didiceras, accessisse gratia visitandi, memoratus conventus in te ac eundem Abbatem & Priorrem ejusdem loci necnon & duos alios Clericos super reformatione domus tam in